



## **PRESS SECRETARIAT**

**MINISTRY OF THE PRIME MINISTER & CABINET**

**Apia, Samoa**

Telephone : (685) 63222 ext 746, 747, 748, (685) 24799, (685) 26397

Fax : (685) 26322 Email: [pressecretariat@samoa.ws](mailto:pressecretariat@samoa.ws)

**Press Release**

**25 April 2008**

### **1. Malaga Sui Palemia mo fonotaga i Niusila**

Ua pasia e le Kapeneta le malaga atu o le Afioga i le Sui Palemia, Misa Telefoni mo se fonotaga ma komiti faatonu a le Pacific Forum Line (PFL) faapea sui mai Tonga, lea e faamoemoe e faia i Aukilani i Niusila i le aso 29 ma le 30 o Aperila, 2008.

O le a malaga faatasi le Afioga i le Sui Palemia ma le sui Komiti Faatonu, Oloialii K. Tuala, sui o le Task Force, Justina Sau ma le faaululuga o le Samoa Shipping Services Sala Theodore Toalepai.

### **2. Malaga Minisita o Tupe mo fonotaga faaletausaga a Faletupe o Asia**

Ua faamaonia e le Kapeneta le malaga o le Minisita o Tupe, Afioga Niko Lee Hang ma lana aumalaga mo se fonotaga faaletausaga a le Faletupe o Asia (ADB) e faia i Madrid, Spain i le aso 2 - 7 o Me, 2008. Faapea ma se fonotaga i Uosigitone, Amerika lea e auai atu i ai le Failautusi o Tupe ma le sui Failautusi o Tupe.

### **3. Faamaonia fesoasoani tautupe mo le Soifua Maloloina**

Ua faamaonia mai le Kapeneta, ua mae'a nei feutanaiga ma a tatou paaga o le Faletupe o le Lalolagi, Ausetalia ma Niu Sila mo se fesoasoani e faatupe ai le tele o atinae taua a le vaega o le Soifua Maloloina i totonu o se vaitaimi e tusa ma le 8 masina.

O lea faamoemoe ina ia vave faamatu'u ai se nonogatupe a e le'i mae'a le afa muamua o le tausaga 2008.

Tusa ma le US\$3.0 miliona, e fia faaopoopo i fesoasoani ua mae'a ona soalaupule i le va o tatou paaga o le Matagaluega o tupe; e aofia ai ma i si polokalame o le pulega o le Falemai, Matagaluega o le Soifua Maloloina e aofia ai ma polokalame ua fuafua e faatinoina i totonu o le lima tausaga, ma o le a faapea ona tulimata'i e se Komiti Faafae e faatasi ai ma Sui o a tatou paaga.

Ua faailoa mai foi e le Kapeneta ua mae'a ona faataatia le polokalame faatino mo le i si 18 masina e aofia ai le faamamafa o galuega tau le puipuiga ma unaia o le soifua lelei. Ole faalelei o auunaga faale-soifua Maloloina.

#### **4. Tauofoga mo auala i Fiaga Aleisa**

Ua faamaonia mai e le Kapeneta le tauofoga mo le fausiaina o auala i Fiaga i Aleisa, ma faamaonia o le konekarate mo le fausiaina o auala faaopopo i Falelauniu.

O le ripoti o iloiloga na faatinoina mo galuega o le auala i Fiaga Aleisa, a le Faalapotopotoga o Eleele a Samoa (SLC) ua taua i luga, atoa ma le talosaga a le faalapotopotoga o le faaauauina e le konekarate o lo o faatinoina nei auala i Falelauniu, le fausiaina o auala faaopopo i Falelauniu lava, o vaeveaga fou ua fuafuaina i fanua a le Faalapotopotoga o Eleele.

#### **5. Tauofoga o le auala i Tauo'o Faleasiu**

Ua faamaonia e le Kapeneta le faaiuga a le komiti o tauofoga mo galuega o auala e fitu i totonu o Upolu ma Savaii. E tusa ai ma faiga faavae tapula'a pulea faataga, e lua auala e moomia ni faamaoniaga a le Kapeneta.

O ia auala, e aofia ai le auala i Tauo'o, Faleasiu ma le auala i Vaiafai i Savaii, ona e sili atu i le \$0.5 miliona le tau o galuega ma ofo sa tuuina mai.